


禪宗正脉




| | | | |
|-----|---|---|---|
| 漢書門 | | | |
| 三 | 一 | 三 | 三 |
| 二 | 〇 | 二 | 二 |
| 〇 | 一 | 〇 | 〇 |
| 冊 | 架 | 函 | 號 |

| | | | |
|------|---|---|---|
| 庫文閣内 | | | |
| 三 | 三 | | 漢 |
| 〇 | 三 | | 書 |
| 函 | 〇 | 二 | |
| 一 | 一 | 二 | |
| 九 | 〇 | 二 | |
| 架 | 冊 | 號 | 類 |

| | |
|------|----------|
| 内閣文庫 | |
| 番號 | 漢 3352 |
| 冊數 | 10 (6) |
| 函號 | 310 145 |

六



綴じ部(喉部分)の文字など開きが不鮮明な箇所あり

禪宗正脉卷第六

南嶽

臨濟宗

淺草文庫

嗣黃
壁運

問法
三度
被打

問法
三度
被打

臨濟義玄禪師初在黃檗會中行業純一時
陸州為第一座乃問上座在此多少時師曰三
年州曰曾參問否師曰不曾參問不知問個甚
麼州曰何不問堂頭和尚如何是佛法的大
意師便去問聲未絕壁便打師下來州曰問話
作麼生師曰某甲問聲未絕和尚便打某甲不
會州曰但更去問師又問壁又打如是三度問
三度被打師白州曰早承激勸問法累蒙和尚

卷第六

高齊

一株
大樹
覆蔭
天下
人

賜棒自恨障緣。不領深旨。今且辭去。州云。汝若
去。須辭和尚了去。師禮拜退。州先到黃檗處曰。
問話上座。雖是後生。却甚奇特。若來辭。方便接
伊。已後為一株大樹。覆蔭天下人去在。師來日
辭黃檗。檗曰。不須他去。祇往高安灘頭。參大愚。
必為汝說。師到大愚。愚曰。甚處來。師曰。黃檗來。
愚曰。黃檗有何言句。師曰。某甲三度問佛法的
的大意。三度被打。不知某甲有過無過。愚曰。黃
檗與麼老婆心切。為汝得徹困。更來這裡問有
過無過。師於言下大悟。乃曰。元來黃檗佛法無
多子。愚搗住曰。這尿淋鬼子。適來道有過無過。
如今却道黃檗佛法無多子。你見個甚麼道理。
速道速道。師於大愚肋下築三拳。愚拓開曰。汝
師黃檗。非干我事。師辭大愚。却回黃檗。檗見便
問。這漢來來去去。有甚了期。師曰。祇為老婆心
切。便人事了。侍立。檗問甚處去來。師曰。昨蒙和
尚慈旨。令參大愚去來。檗曰。大愚有何言句。師
舉前話。檗曰。大愚老漢。饒舌待來。痛與一頓。師
曰。說甚待來。即今便打。隨後便掌。檗曰。這風顛
漢。來這裡將虎鬚。師便喝。檗喚侍者曰。引這風

園鉏茶

睡堂裡

栽松

顛漢叅堂去。馮山舉問仰山。臨濟當時得大愚力。得黃檗力。仰云。非但騎虎頭。亦

曰。這漢困那。師曰。鑿也未舉。困個甚麼。檗便打

師。接住棒。一送送倒。檗呼維那。扶我起來。維那

扶起曰。和尚爭容得這風顛漢無禮。檗繞起。便

打維那。師鑿地曰。諸方火葬我。這裡活埋。馮山問仰

山。黃檗打維那。意作麼生。仰云。正賊走却。邏賊人喫棒。○師一日在僧堂

裏睡。檗入堂見。以拄杖打板頭一下。師舉首見

是檗。却又睡。檗又打板頭一下。却往上間。見首

座坐禪。乃曰。下間後生。却坐禪。汝在這裏妄想

作麼。座曰。這老漢作甚麼。檗又打板頭一下。便

出去。馮山舉問仰山。祇如黃檗。意作麼生。仰云。兩彩一賽。○師栽松次。檗

曰。深山裏栽許多松。作甚麼。師曰。一與山門作

境致。二與後人作標榜。道了。將鑿頭墜地。三下。

檗曰。雖然如是。子也喫吾三十棒。子也。師又墜

地。三下。噓。一噓。檗曰。吾宗到汝。大興于此。馮山舉問

仰山。黃檗當時祇囑臨濟一人。更有人在。仰云。有。祇是年代深遠。不欲舉似和尚。馮云。雖然如

是。吾亦要知。汝但舉看。仰云。一。人指南。吳越令行。遇大風即止。○黃檗因入厨

下。問飯頭作甚麼。頭曰。揀眾僧飯米。檗曰。一頓

喫多少。頭曰。二石五。檗曰。莫太多麼。頭曰。猶恐

卷之三

高齊

在

辭黃
磔

仰山
懸記
普化

四料
棟

少在。磔便打頭。舉似師。師曰：我與汝勘這老漢。纔到侍立。磔舉前話。師曰：飯頭不會。請和尚代。一轉語。磔曰：汝但舉。師曰：莫太多麼。磔曰：來日更喫一頓。師曰：說甚麼來日。即今便喫。隨後打一掌。磔曰：這風顛漢。又來這裡捋虎鬚。師喝一喝便出去。為山舉問仰山。此二尊宿。意作麼生。仰山云：和尚作麼生。為山云：養子方知父慈。仰山云：不然。為山云：子又作麼生。仰山云：大似勾賊破家。○師辭黃磔。磔曰：甚處去。師曰：不是河南。便歸河北。磔便打師約住。與一掌。磔大笑。乃喚侍者。將百丈先師禪板几案來。師曰：侍者將火來。磔曰：不然。子但將去。已後坐斷天下人舌頭去在。○師為黃磔馳書至為山。與仰山語次。仰曰：老兄向後北去。有個住處。師曰：豈有與麼事。仰曰：但去。已後有一人佐輔汝。此人祇是有頭無尾。有始無終。懸記普化○師後住鎮州臨濟學侶雲集。一日謂普化克符二上座曰：我欲於此建立黃磔宗旨。汝且成禡我。二人珍重下去。三日後普化却上來問。和尚三日前說甚麼。師便打。三日後克符上來問。和尚前日打普化作甚麼。師亦打。至晚小叅曰：有時奪人不奪境。有時奪境不奪人。有時人

三句

境兩俱奪。有時人境俱不奪。問答語具在克符章○僧問如何是真佛真法真道。乞師開示。師曰。佛者心清淨。是法者心光明。是道者處處無礙。淨光是三即一。皆是空名而無實有。如真正作道人。念心不間斷。自達磨大師從西土來。祇是覓個不受人惑底人。後遇二祖。一言便了。始知從前虛用工夫。山僧今日見處。與祖佛不別。若第一句中薦得。堪與祖佛為師。若第二句中薦得。堪與人天為師。若第三句中薦得。自救不了。僧便問如何是第一句。師曰。三要印開。未點窄。未容擬議。主賓分。曰。如何是第二句。師曰。妙解豈容無著問。漚和爭負。截流機。曰。如何是第三句。師曰。但看棚頭弄傀儡。抽牽全藉裏頭人。乃曰。大凡演唱宗乘。一句中須具三玄門。一玄門須具三要。有權有實。有照有用。汝等諸人。作麼生會。師謂僧曰。有時一喝如金剛王寶劍。有時一喝如踞地師子。有時一喝如探竿影草。有時一喝不作一喝用。汝作麼生會。僧擬議。師便喝○示衆。參學之人。大須子細。如賓主相見。便有言論往來。或應物現形。或全體作用。或機權喜怒。或

四喝

辨魔
揀異

現半身或乘師子。或乘象王。如有真正學人。便
喝。先拈出一個膠盆子。善知識不辨是境。便上
他境上。作模作樣。便被學人又喝。前人不肯放
下。此是膏肓之病。不堪醫治。喚作賓看主。或是
善知識不拈出物。祇隨學人問處。即奪。學人被
奪。抵死不肯放。此是主看賓。或有學人。應一個
清淨境。出善知識前。知識辨得是境。把得拋向
坑裏。學人言大好善知識。知識即云。咄哉。不識
好惡。學人便禮拜。此喚作主看主。或有學人。披
枷帶鎖。出善知識前。知識更與安一重枷鎖。學
人歡喜。彼此不辨。喚作賓看賓。大德山僧。所舉
皆是辨魔揀異。知其邪正。○師問洛浦。從上來
一。人行棒。一。人行喝。阿那個親。曰。總不親。師曰。
親處作麼生。浦便喝。師乃打。○上堂。有一人論
劫在途中。不離家舍。有一人離家舍。不在途中。
那個合受人天供養。○師問院主。甚處去來。曰。
州中糶黃米來。師曰。糶得盡麼。主曰。糶得盡。師
以拄杖畫一畫。曰。還糶得這個麼。主便喝。師便
打。典座至。師舉前話。座曰。院主不會和尚意。師
曰。你又作麼生。座禮拜。師亦打。○上堂。一人在

老宿

四照用

應機

孤峰頂上。無出身路。一人在十字街頭。亦無尙
 背。且道那個在前。那個在後。不作維摩詰。不作
 傅大士。珍重。○有一老宿。便問禮拜。即是不
 禮拜。即是。師便喝。宿便拜。師曰。好個草賊。宿曰。
 賊賊。便出去。師曰。莫道無事好。時首座侍立。師
 曰。還有過也。無座曰。有。師曰。賓家有過。主家有
 過。曰。二俱有過。師曰。過在甚麼處。座便出去。師
 曰。莫道無事好。南泉聞云。官馬相踏。領師到京行化。至一
 家門首。曰。家常添鉢。有婆曰。太無厭生。師曰。飯
 也未曾得。何言太無厭生。婆便閉却門。領師陞
 堂。有僧出。師便喝。僧亦喝。便禮拜。師便打。領趙
 州遊方。到院。在後架洗脚次。師便問。如何是祖
 師西來意。州曰。恰遇山僧洗脚。師近前作聽勢。
 州曰。會即便會。啗啄作甚麼。師便歸方丈。州曰。
 三十年行脚。今日錯為人下註脚。○師應機多
 用喝。會下叅徒。亦學師喝。師曰。汝等摠學我喝。
 我今問汝。有一人從東堂出。一人從西堂出。兩
 人齊喝一聲。這裏分得賓主麼。汝且作麼生分。
 若分不得。已後不得學老僧喝。○示衆。我有時
 先照後用。有時先用後照。有時照用同時。有時

行脚
到龍
光三
峰

照用不同時。先照後用。有人在。先用後照。有法在。照用同時。驅耕夫之牛。奪飢人之食。敲骨取髓。痛下針錐。照用不同時。有問有答。立賓立主。合水和泥。應機接物。若是過量人。向未舉已前。撩起便行。猶較些子。○師行脚時。到龍光。值上堂。師出問。不展鋒銚。如何得勝。光據坐。師曰。大善知識。豈無方便。光瞪目曰。嗔師以手指曰。這老漢。今日敗闕也。○次到三峰。平和尚處。平問甚處來。師曰。黃檗來。平曰。黃檗有何言句。師曰。金牛昨夜遭塗炭。直至如今不見蹤。平曰。金風吹玉管。那個是知音。師曰。直透萬重關。不住青霄內。平曰。子這一問。太高生。師曰。龍生金鳳子。衝破碧琉璃。平曰。且坐喫茶。又問。近離甚處。師曰。龍光。平曰。龍光近日如何。師便出去。○麻谷問。十二面觀音。那個是正面。師下禪牀。擒住曰。十二面觀音。甚處去也。速道速道。谷轉身擬坐。師便打。谷接住棒。相捉歸方丈。○上堂。僧問。如何是佛法大意。師豎起拂子。僧便喝。師便打。又僧問。如何是佛法大意。師亦豎拂子。僧便喝。師亦喝。僧擬議。師便打。乃曰。大眾。夫為法者。不避

同普
化赴
齋

王常
侍到
僧堂

示滅

喪身失命。我於黃檗先師處。三度問佛法的的。大意。三度被打。如蒿枝拂相似。如今更思一頓。誰為下手。時有僧出曰。某甲下手。師度與拄杖。僧擬接。師便打。○頌同普化赴施主齋次。師問毛吞巨海。芥納須弥。為復是神通妙用。為復是法爾如然。化趯倒飯牀。師曰。太麤生。曰。這裏是甚麼所在。說麤說細。次日又同赴齋。師復問。今日供養何似。昨日化又趯倒飯牀。師曰。得即得太麤生。化喝曰。瞎漢。佛法說甚麼麤細。師乃吐舌。○頌師與王常侍到僧堂。王問這一堂僧還看經麼。師曰。不看經。曰。還習禪麼。師曰。不習禪。曰。既不看經。又不習禪。畢竟作個甚麼。師曰。總教伊成佛作祖去。曰。金屑雖貴。落眼成翳。師曰。我將謂你是個俗漢。○頌師上堂次。兩堂首座相見。同時下喝。僧問師。還有賓主也無。師曰。賓主歷然。師召眾曰。要會臨濟賓主句。問取堂中二首座。○頌咸通八年丁亥。師將示滅。說傳法偈曰。沿流不止。問如何。真照無邊。說似他。離相離名人。不稟吹毛。用了急須磨。復謂眾曰。吾滅後不得滅。却吾正法眼。藏三聖出曰。爭敢滅却和尚正法。

嗣臨
濟玄

眼藏。師曰：已後有人問你，向它道甚麼。聖便喝。師曰：誰知吾正法眼藏。向這瞎驢邊滅却。

與化存獎禪師。領在三聖會裏為首座。常曰：我向南方行脚一遭，拄杖頭不曾撥着一個會佛法底人。三聖聞得，問曰：你具個甚麼眼。便恁麼道。師便喝。聖曰：須是你始得。後大覺聞舉，遂曰：作麼生得風吹到大覺門裏來。師後到大覺為院主。一日覺喚院主，我聞你道向南方行脚一遭，拄杖頭不曾撥着一個會佛法底。你憑個甚麼道理與麼道。師便喝。覺便打。師又喝。覺又打。師來日從法堂過，覺召院主，我直下疑你昨日這兩喝。師又喝。覺又打。師再喝。覺又打。師曰：某甲於三聖師兄處學得個賓主句，總被師兄折倒了也。願與某甲個安樂法門。覺曰：這瞎漢來這裏納敗闕，脫下衲衣痛打一頓。師於言下薦得臨濟先師於黃檗處喫棒底道理。師後開堂日，拈香曰：此一炷香本為三聖師兄。三聖與我太孤，本為大覺師兄。大覺與我太賒，不如供養臨濟先師。領僧問：四方八面來時如何。師曰：打中間底。僧便禮拜。師曰：昨日赴個村齋，中途遇

拈香
開堂

喝胡亂

一陣卒風暴雨。却向古廟裡躲避得過。○頌問僧甚處來。曰。崔禪處來。師曰。將得崔禪喝來否。曰。不將得來。師曰。恁麼則不從崔禪處來。僧便喝。師便打。○頌示衆。我聞前廊下也喝。後架裏也喝。諸子汝莫盲喝亂喝。直饒喝得與化向虛空裡。却撲下來。一點氣也無。待我蘇息起來。向汝道未。在何故。我未曾向紫羅帳裏撒真珠。與汝諸人去在。胡喝亂喝作麼。○頌雲。居住三峰時。師問。權借一問。以為影草時如何。居無對。師云。想和尚答這話不得。不如禮拜了退。二十年後。居云。如今思量。當時不消道個何必。後遣化主到師處。師問。和尚住三峰庵時。老僧問伊話。對不得。如今道得也未。主舉前話。師云。雲居二十年。祇道得個何必。與化即不然。爭知道個不必。○頌師謂克賓。維那曰。汝不久為唱導之師。賓曰。不入這保社。師曰。會了不入。不會了不入。曰。揔不與麼。師便打。曰。克賓。維那。法戰不勝。罰錢五貫。設饋飯一堂。次日。師自白椎曰。克賓。維那。法戰不勝。不得喫飯。即便出院。○頌師見同叅來。送上法堂。師便喝。僧亦喝。師又喝。僧亦喝。師近前拈棒。

賓打興化

後唐
莊宗
詔

僧又喝師曰。你看這瞎漢。猶作主在。僧擬議。師直打下法堂。侍者請問。適來下僧。有來觸忤和尚。師曰。它適來也有權。也有實。也有照。也有用。及乎我將手向伊。面前橫兩橫。到這裡却去不得。似這般瞎漢。不打更待何時。僧禮拜。領後唐莊宗車駕幸河北。回至魏府行宮。詔師問曰。朕取中原。獲得一寶。未嘗有人酬價。師曰。請陛下寶看。帝以兩手舒幞頭脚。師曰。君王之寶。誰敢酬價。玄覺徵云。且道與化肯莊宗。不肯莊宗。若在甚。肯莊宗。與化眼在甚麼處。若不肯莊宗。過

寶壽沼禪師世第一 領僧問萬境來侵時如何。師

曰。莫管它。僧禮拜。師曰。不要動著。動著即打折汝腰。領師在方丈坐。因僧問訊次。師曰。百千諸聖。盡不出此方丈內。曰。祇如古人道。大千沙界海中漚。未審此方丈向甚麼處來。師曰。千聖現在。曰。阿誰證明。師便擲下拂子。僧從西過東立。師便打。僧曰。若不又參。焉知端的。師曰。三十年後。此話大行。領趙州來。師在禪牀背面而坐。州展坐具禮拜。師起入方丈。州收坐具而出。領師問僧甚處來。曰。西山來。師曰。見獼猴麼。曰。見。師

濟臨
玄

曰作甚麼伎倆。曰見甚麼一個伎倆也作不得。
師便打。須胡釘鉸。叅師問汝莫是胡釘鉸麼。曰
不敢。師曰還釘得虛空麼。曰請和尚打破。師便
打。胡曰和尚莫錯打某甲。師曰向後有多口阿
師與你點破在。胡後到趙州。舉前話。州曰汝曰
甚麼被他打。胡曰不知過在甚麼處。州曰祇這
一縫尚不奈何。胡於此有省。趙州曰且釘這一
縫。

三聖慧然禪師

評頌

至仰山。山問汝名甚麼。師

曰慧寂。山曰慧寂是我名。師曰我名慧然。山大
笑而已。○仰山因見官人相訪。山問官人何位。
曰推官。山豎起拂子曰還推得這個麼。官人無
對。山令衆下語皆不契。時師不安。在涅槃堂內
將息。山令侍者去請下語。師曰但道和尚今日
有事。山又令侍者問未審有甚麼事。師曰再犯
不容。須師到德山。終展坐具。山曰莫展炊中。這
裏無殘羹餽飯。師曰揔有也無著處。山便打。師
接住棒。推向禪牀上。山大笑。師哭蒼夫。便下叅
堂。堂中首座號踢天泰。問行脚高士。須得本道
公驗。作麼生是本道公驗。師曰道甚麼。座再問。

師打一坐具曰。這漆桶。前後觸忤多少賢良。座

擬人事。師便過第二座人事。住後上堂。我逢

人則出。出則不為人。便下座。興化云。我逢人則不出。出則便為人。

頌僧問。如何是祖師西來意。師曰。臭肉來蠅。興化

云。破驢脊上足蒼蠅。○問僧。近離甚處。僧便喝。師亦喝。僧

又喝。師又喝。僧曰。行棒即瞎。便喝。師拈棒。僧乃

轉身作受棒勢。師曰。下坡不走。快便難逢。便棒。

僧曰。這賊便出去。師遂拋下棒。次有僧問。適來

爭容得這僧。師曰。是伊見先師來。

嗣臨

魏府大覺和尚。參臨濟。齊絕見。豎起拂子。師展

坐具。濟擲下拂子。師收坐具。參堂去。時僧眾曰。

此僧莫是和尚親故。不禮拜。又不喫棒。濟聞說。

令侍者喚適來新到上來。師隨侍者到方丈。濟

曰。大眾道汝來參長老。又不禮拜。又不喫棒。莫

是老僧親故。師乃珍重下去。師住後。僧問如

何是本來身。師曰。頭枕衡山。脚踏北嶽。○問如

何是佛法大意。師曰。良馬不窺鞭。側耳知人意

○問如何是大覺。師曰。惡覺。曰。乖極。師便打

嗣臨

灌溪志。閑禪師。切從柏巖。後見臨濟。濟慕胸

搗住。師曰。領領。濟拓開曰。且放汝一頓。○師離

嗣臨
濟玄

臨濟至末山。語規。○住後上堂。我在臨濟。爺爺處得半杓。末山孃孃處得半杓。共成一杓。喫了。如今飽不飢。**頌**。僧問。久嚮灌谿。到來祇見漚麻池。師曰。汝祇見漚麻池。且不見灌谿。曰。如何是灌谿。師曰。劈箭急。○上堂。十方無僻落。四畔亦無門。露裸裸。赤灑灑。無可把。便下座。○僧問。如何是一色。師曰。不隨。曰。一色後如何。師曰。有闍黎承當分也。無。

四料
棟并
頌

紙衣和尚。即克符也初問臨濟。如何是奪人不奪境。濟曰。煦日發生鋪地錦。嬰兒垂髮白如絲。師曰。如何是奪境不奪人。濟曰。王令已行天下遍。將軍塞外絕烟塵。師曰。如何是人境俱奪。濟曰。并分絕信。獨處一方。師曰。如何是人境俱不奪。濟曰。王登寶殿野老謳歌。師於言下領旨。有頌曰。其奪人不奪境。緣自帶請訛。擬欲求玄旨。思量反責麼。驪珠光燦爛。蟾桂影婆娑。覷面無差互。還應滯網羅。其奪境不奪人尋言何處真。問禪禪是妄。究理理非親。日照寒光澹。山搖翠色新。直饒玄會得。也是眼中塵。其人境兩俱奪從來正令行。不論佛與祖。那說聖凡情。擬把吹毛劍。

四賓主

還如值木肯進前求妙會。特地斬精靈。其人境
俱不奪。思量意不偏。主賓言少異。問答理俱全。
踏破澄潭月。穿開碧落天。不能明妙用。淪溺在
無緣。○僧問如何是賓中賓。師曰倚門傍戶猶
如醉。出言吐語不慚惶。曰如何是賓中主。師曰
口念弥陀雙拄杖。目瞽瞳人不出頭。曰如何是
主中賓。師曰高提祖印當機用。利物應知語帶
悲。曰如何是主中主。師曰橫按鎊錘全正令。太
平寰宇斬痴頑。曰既是太平寰宇。為甚麼却斬
痴頑。師曰不許夜行剛把火。直須當道與人看。
定州善住禪師。鎮州將王令公。於衙署張座請
師說法。師陞座拈拄杖曰出來也打。不出來也
打。僧出曰崔禪灑。師擲下拄杖曰久立冷公。伏
惟尊重

濟玄

嗣臨濟玄

幽州譚空和尚。鎮州牧有姑為尼。行脚回欲開
堂。為人牧令師勘過。師問曰見說汝欲開堂為
人。是否。尼曰是。師曰尼是五障之身。汝作麼生
為人。尼曰龍女八歲。南方無垢世界。成等正覺
又作麼生。師曰龍女有十八變。你試一變看。尼
曰設使變得也。祇是個野狐精。師便打。牧聞舉。

卷之三

臨濟

其

嗣臨
濟玄

乃曰和尚棒折那○僧問德山棒臨濟喝未審
那個最親師曰已前在衆裏老僧也曾商量來
僧便喝師曰却是汝會僧曰錯師便打

襄州歷村和尚僧問如何是觀其音聲而得解
脫師將火筯敲柴曰汝還聞麼曰聞師曰誰不
解脫領師煎茶次僧問如何是祖師西來意師
舉起茶匙僧曰莫祇這便當否師擲向火中

嗣臨
濟玄

米倉禪師領問僧近離甚處曰冀州太湖師曰
闍黎來時太湖向你道甚麼曰知道米倉路峻
師曰到這裡又作麼生曰不異發足時道路師
曰闍黎已孤太湖去在曰某甲亦不肯和尚恁
麼道師曰來時路峻如今路平曰不妨和尚此

嗣臨
濟玄

路師曰漆桶裏漢有甚麼限僧
齊聳禪師僧問如何是佛師曰老僧並不知曰
和尚是大善知識為甚麼不知師曰老僧不曾
接下機

嗣臨
濟玄

雲山和尚領有僧從西京來師問還將得西京
主人書來否曰不敢妄通消息師曰作家師僧
天然有在曰殘羹餽飯誰喫師曰獨有闍黎不
甘喫其僧乃作吐勢師喚侍者曰扶出這病僧

嗣臨
濟玄

着僧便出去○師見僧來便作起勢僧便出去
師曰得甚麼靈利僧便喝曰作這個眼目承嗣
臨濟也太屈哉師曰且望闍黎善傳僧回首師
喝曰作這個眼目錯判諸方名言隨後便打
虎谿庵主頌僧問庵主在這裏多少年也師曰
祇見冬凋夏長年代摠不記得曰大好不記得
師曰汝道我在這裏得多少年也曰冬凋夏長
響師曰開市裏虎

嗣臨
濟玄

桐峰庵主頌僧問和尚這裡忽遇大蟲作麼
生師便作大蟲吼曾作怖勢師大笑僧曰這老
賊師曰爭奈老僧何○有老人入山參師曰供
在甚處老人不語師曰善能對機老人地上拈
一枝草示師師便喝老人禮拜師便歸庵老人
曰與麼疑殺一切人在

嗣臨
濟玄

杉洋庵主有僧到參師問阿誰曰杉洋庵主師
曰是我僧便喝師作噓聲僧曰猶要棒喫在師
便打

嗣臨
濟玄

定上座頌初參臨濟問如何是佛法大意濟
下禪牀擒住師擬議濟與一掌師佇思傍僧曰
定上座何不禮拜師方作禮忽然大悟頌古見
臨濟章

○後南遊路逢巖頭雪峰欽山三人。巖頭問上座甚處來。師曰臨濟來。巖曰和尚萬福。師曰和尚已順世也。巖曰某甲三人特去禮拜。薄福不遇。不知和尚在日有何言句。請上座舉一兩則。

無位真人

○師遂舉臨濟上堂曰赤肉團上有一無位真人。常在汝等諸人面門出入。未證據者看看。時

有僧問如何是無位真人。濟下禪牀搗住曰道

道僧擬議。濟拓開曰無位真人是甚麼乾屎橛

白拈賊

巖頭不覺吐舌。雪峰曰臨濟大似白拈賊。按頌古見

臨濟欽山曰可不道赤肉團上非無位真人。師便擒住曰無位真人與非無位真人相去多少。

速道速道。欽山被擒直得面黃面青。語之不得。

巖頭雪峰曰這新戒不識好惡。觸忤上座且望

慈悲。師曰若不是這兩個老漢。枉殺這尿牀鬼

子

嗣興化獎

○南院慧顓禪師。亦曰實應上堂赤肉團上。躡立千

仞。僧問赤肉團上。躡立千仞。豈不是和尚道師

曰是。僧便掀倒禪牀。師曰這瞎驢亂作。僧擬議

師便打。○頌思明和尚未住西院時。到叅禮拜了

曰無可人事。從許州來。收得江西剃刀一柄。獻

啐啄
之機

燈影
行

和尚師曰汝從許州來為甚却收得江西剃履
 明把師手掐一掐師曰侍者收取明以衣袖拂
 一拂便行師曰阿刺刺阿刺刺須上堂諸方祇
 具啐啄同時眼不具啐啄同時用僧便問如何
 是啐啄同時用師曰作家不啐啄啐啄同時失
 曰此猶未是某甲問處師曰汝問處作麼生僧
 曰失師便打其僧不肯後於雲門會下聞二僧
 舉此話一僧曰當時南院棒折那其僧忽契悟
 遂奔回省觀師已圓寂乃謁風穴穴一見便問
 上座莫是當時問先師啐啄同時話底麼僧曰
 是穴曰汝當時作麼生僧曰某甲當時如在燈
 影裡行相似穴曰汝會也須僧問古殿重興時
 如何師曰明堂瓦插簷曰與麼則莊嚴畢備也
 師曰斬草蛇頭落須問僧名甚麼曰普參師曰
 忽遇屎橛作麼生僧便不審師便打○問僧近
 離甚處曰襄州師曰來作甚麼曰特來禮拜和
 尚師曰恰遇寶應老不在僧便喝師曰向汝道
 不在又喝作甚麼僧又喝師便打僧禮拜師曰
 這棒本是汝打我我且打汝要此話大行瞎漢
 參堂去○問僧近離甚處曰襄州師曰是甚麼

化獎

行脚到襄州

物恁麼來。曰和尚試道看。師曰適來禮拜底曰
 錯。師曰禮拜底錯個甚麼。曰再犯不容。師曰三
 十年弄馬騎。今日被驢撲瞎漢叅堂去。○僧問
 從上諸聖向甚麼處去。師曰木上天堂。則入地
 獄。曰和尚又作麼生。師曰還知寶應老漢落處
 麼。僧擬議。師打一拂曰你還知喫拂子底麼。曰
 不會。師曰正令却是你行。又打一拂子。○頌問寒
 暑到來時如何。一作日月迭遷寒暑謝師曰紫
 羅抹額綉腰裙。曰上上之機今已曉。向下之機
 事若何。師曰炭庫裏藏身。○僧問德山曰從上諸聖向甚麼處去
 守廟侍者。○山曰作麼作麼。師曰勅點飛龍馬。跛鱉出頭來。
 山便休去。來日浴出。師過茶與山。山於背上拊
 一下曰昨日公案作麼生。師曰這老漢今日方
 始甞地。山又休去。○師行脚到襄州華嚴和尚
 會下。一日嚴上堂曰大眾今日若是臨濟德山
 高亭大愚。鳥窠船子兒孫。不用如何若何。便請
 單刀直入。華嚴與汝證據。師出禮拜起。便唱嚴
 亦唱。師又唱。嚴亦唱。師禮拜起曰大眾看這老
 漢一場敗闕。又唱一喝。拍手歸衆。嚴下座歸方

卷之三

高齊

上

丈時風穴作維那上去問訊。嚴曰：維那汝來也。巨耐守廓適來把老僧扭捏一上待集眾打一頓。趁出穴曰：趁他遲了也。自是和尚言過他是臨濟下兒孫。本分恁麼。嚴方息怒。穴下來舉似師曰：你著甚來由。勸這老漢。我未問前。早要棒喫。得我話行。如今不打。搭却我話也。穴曰：雖然如是。已遍天下也。

嗣寶壽詔

西院思明禪師。頌僧問：如何是伽藍。師曰：荆棘叢林。曰：如何是境中人。師曰：獼兒貉子。從

兩錯

漪上座到法席旬日。常自曰：莫道會佛法久。覓個舉話底人也。無師聞而默之。漪異日上法堂。次師召從漪。漪舉首。師曰：錯。漪進三两步。師又曰：錯。漪近前。師曰：適來兩錯。是上座錯。是思明老漢錯。曰：是從漪錯。師曰：錯錯。乃曰：上座且在。這裏過夏。共汝商量。這兩錯。漪不肯。便去。後住相州天平山。每舉前話曰：我行脚時。被惡風吹到汝州。有西院長老勸我。連下兩錯。更留我過夏。待共我商量。我不道恁麼時錯。我發足向南。方去時。早知錯了也。

嗣寶壽詔

寶壽和尚。世二。頌。在先寶壽為供養主。壽問父母

未生前還我本來面目來。師立至夜深。下語不契。翌日辭去。壽曰：汝何往？師曰：昨日蒙和尚設問。某甲不契。往南方參知識去。壽曰：南方禁夏。不禁冬。我此間禁冬。不禁夏。汝且作街坊過夏。若是佛法。闌闖之中。浩浩紅塵。常說正法。師不敢違。一日街頭見兩人交爭。揮一拳曰：你得恁麼無面目。師當下大悟。走見寶壽。未及出語。壽便曰：汝會也。不用說。師便禮拜。壽臨遷化時。囑三聖請師開堂。師開堂日。三聖推出一僧。師便打。聖曰：與麼為人。非但害却這僧眼。瞎却鎮州一城人眼。去在是瞎却人眼處。師摸下拄杖。便歸方丈。

嗣三 聖然

大悲和尚。僧問：除上去下。請師便道。師曰：問口即錯。曰：真是學人師也。師曰：今日向弟子手裏死。

嗣三 聖然

水陸和尚。僧問：如何是學人用心處。師曰：用心即錯。曰：不起一念時如何。師曰：沒用處。漢

嗣魏 府覺

澄心旻德禪師。頌：在興化。遇示眾曰：若是作家戰將。便請單刀直入。更莫如何若何。師出禮拜起。便喝。化亦喝。師又喝。化亦喝。師禮拜歸眾。化

嗣灌
谿開

曰。適來若是別人。三十棒。一棒也較不得。何故
為他。曼德會喝。不作一喝用。

魯祖山教禪師。僧問。如何是祖師西來意。師曰。
今日不答話。曰。大好不答話。師便打。額問。如何
是雙林樹。師曰。有相身中無相身。曰。如何是有
相身中無相身。師曰。金香爐下鐵崑崙。○問。如
何是孤峰獨宿底人。師曰。半夜日頭明。日午打
三更。○問。進向無門時如何。師曰。太鈍生。曰。不
是鈍生。直下進向無門時如何。師曰。靈機未曾

嗣紙
衣符

論邊祭。執法無門在暗中。
鎮州談空和尚。僧問。格外之談。請師舉唱。師曰。

嗣紙
衣符

隘路不通風。曰。莫抵這便是也。無師乃嗟嗟。
際上座。僧問。如何是佛法的大意。師曰。龍騰
滄海。魚躍深潭。曰。畢竟如何。師曰。夜聞祭鬼鼓。
朝聽上灘歌。

嗣南
院顯

風穴延。沿禪師。叅南院。入門不禮拜。院曰。入門
須辨主。師曰。端的請師分院。院於左膝拍一拍。師
便喝。院於右膝拍一拍。師又喝。院曰。左邊一拍
且置。右邊一拍作麼生。師曰。瞎。院便拈棒。師曰。
莫盲。枷瞎棒。奪打和尚。莫言不道。院擲下棒。曰。

棒下無生忍

滯殼迷封

李史君衙內度夏

今日被黃面浙子。鈍置一場。師曰。和尚大似持鉢不得。詐道不飢。院曰。闍黎曾到此間麼。師曰。是何言歟。院曰。老僧好好相借問。師曰。也不得放過。便下叅衆了。却上堂頭禮謝。院曰。闍黎曾見甚麼人來。師曰。在襄州華嚴與廓侍者同夏。院曰。親見作家來。院問南方一棒。作麼商量。師曰。作奇特商量。師却問和尚此間一棒。作麼商量。院拈拄杖曰。棒下無生忍。臨機不見師。師於言下大徹玄旨。遂依止六年。四衆請主風穴。又八年。李史君與合成士庶。再請開堂演法矣。

○上堂。夫叅學眼。目臨機。直須大用。現前。拘於小節。設使言前薦得。猶是滯殼迷封。總然句下精通。未免觸途狂見。應是從前依它作解。明昧兩歧。與你一時掃却。直教個個如師子兒。吒呀地。哮吼一聲。壁立千仞。誰敢正眼覷著。顯著即瞎。却渠眼。時有僧問。如何是正法眼。師曰。即便戳瞎。曰。戳瞎後如何。師曰。撈天摸地。

師在郢州。謁前請主李史君。留於衙內度夏。普設大會。請師上堂。終陞座。乃曰。祖師心印。狀似鐵牛之機。去即印住。住即印破。祇如不去不佳。

主四賓

闍黎麼。右邊一拍曰。這裏是欲識老僧麼。左邊
一拍曰。這裏是○上堂。若是上上之流。各有證
據。略赴個程限。中下之機。各須英俊。當處出生。
隨處滅盡。如爆龜紋。爆即成兆。不爆成鈍。欲爆
不爆。直下便捏。須僧問語。默涉離微。如何通不
犯。師曰。常憶江南三月裏。鷓鴣啼處百花香。○
問百了。千當時如何。師曰。不許夜行。投明須到
○問如何是賓中主。師曰。入市雙瞳瞽。曰。如何
是主中賓。師曰。回鑾兩曜新。曰。如何是賓中賓。
師曰。鑽待。坐柏雲。人曰。如何是主中主。師曰。磨龍
曰。山前一片青。須問如何是佛。師曰。杖林山下
竹筋鞭。

院嗣南

穎橋安禪師

號鉢胡

師與鍾司徒向火次。鍾忽

院嗣西

興陽歸靜禪師。初參西院。便問擬問。不問時如

院嗣風

何。院便打。師良久。院曰。若喚作棒。眉鬚墮落。師
於言下大悟。
首山省念禪師。常密誦法華經。衆目為念法華

此經 耽著

草賊 大敗

體究 言句

也。晚於風穴會中充知客。一日侍立次。穴乃垂涕告之曰。不幸臨濟之道。至吾將墜地矣。師曰。觀此一衆。豈無人耶。穴曰。聰敏者多。見性者少。師曰。如某者如何。穴曰。吾雖望子之久。猶恐耽著此經。不能放下。師曰。此亦可事。願聞其要。穴遂上堂。舉世尊以青蓮目。顧視大眾。乃曰。正當恁麼時。且道說個甚麼。若道不說而說。又是埋沒先聖。且道說個甚麼。師乃拂袖下去。穴擲下拄杖歸方丈。侍者隨後請益曰。念法華因甚。不祇對和尚。穴曰。念法華。會麼。坎題。師與禪。願真曰。鵝鳩樹上鳴。穴曰。汝作許多痴福作麼。何不體究言句。又問師曰。汝作麼生。師曰。動容揚古路。不墮悄然機。穴謂真曰。汝何不看念法華下語。師受風穴印可之後。泯跡韜光。人莫知其所以。因白兆楚和尚。至汝州宣化。風穴令師往傳語。終相見。擬起坐。具便問。展即是不展。即是兆曰。自家看取。師便喝。兆曰。我曾親近知識來。未嘗輒敢恁麼造次。師曰。草賊大敗。兆曰。來日若見風穴和尚。待一一舉似。師曰。一任一任。不

從此徑出

得忘却師乃先回舉似風穴穴曰今日又被你
 收下一員草賊師曰好手不張名兆次日纔到
 相見便舉前話穴曰非但昨日今日和賊捉敗
 師於是名振四方學者望風而靡開法首山為
 第一世也○僧問如何是學人親切處師曰五
 九盡日又逢春曰畢竟事如何師曰冬到寒食
 一百五○問如何是祖師西來意師曰風吹日
 炙○問如何是菩提路師曰此去襄縣五里曰
 向上事如何師曰往來不易○問一切諸佛皆
 從此徑出如何是此徑師曰低聲低聲曰如何
 受持師曰切勿不得汙染第一卷金剛經章
 如何是古佛心師曰鎮州蘿蔔重三斤○問如
 何是玄中的師曰有言須道却曰此意如何師
 曰無言鬼也嗔○問如何是梵音相師曰驢鳴
 狗吠乃曰要得親切第一莫將問來問還會麼
 問在答處答在問處汝若將問來問老僧在汝
 脚底汝若擬議即沒交涉時有僧出禮拜師便
 打僧便問挂錫幽巖時如何師曰錯僧曰錯師
 又打○問如何是佛師曰新婦騎驢阿家牽曰
 未審此語甚麼句中收師曰三玄收不得四句

文苑英華卷六

高僧

七

賓主
話

嗣風
穴沼

嗣首

豈能該。曰。此意如何。師曰。天長地久。日月齊明。
須示衆曰。諸上座。不得盲喝亂喝。尋常向汝道。
賓則始終賓。主則始終主。賓無二賓。主無二主。
若有二賓二主。兩個即成瞎漢。所以我若立。你
須坐。我若坐。你須立。坐則共你坐。立則共你立。
雖然如是。急著眼始得。**增收**
廣慧真禪師。曾在風穴作園頭。穴問曰。會昌沙
汰時。護法善神。向甚麼處去。師曰。常在闌闌中。
要且無人識。穴曰。汝徹也。師禮拜。

汾州善昭禪師。歷叅知識七十一。真。後到首山。
問百丈。卷席意旨如何。山曰。龍袖拂開全體現。

曰。師意如何。山曰。象王行處。絕孤蹤。師於言下
大悟。拜起而曰。萬古碧潭空界月。再三撈摭始
應知。有問者曰。見何道理。便爾自肯。師曰。正是
我放身命處。後游衡湘。及襄沔間。每為郡守。以
名利力致。前後八請。堅卧不答。洎首山歿。西河
道俗。遣僧契聰。迎請住持。師閉關高枕。聰排闥
而入。讓之曰。佛法大事。靖退小節。風穴懼。應識
憂宗旨。墜滅幸而有先師。先師已棄世。汝有力。
荷擔如來大法者。今何時而欲安眠哉。師矍起。

西河
師子

古人
用心
處

四轉
語

握聽手曰。非公不聞此語。趣辦嚴。吾行矣。○住
 後上堂。謂眾曰。汾陽門下有西河師子。當門踞
 坐。但有來者。即便咬殺。有何方便。入得汾陽門
 見得汾陽人。若見汾陽人者。堪與祖佛為師。不
 見汾陽人。盡是立地死漢。如今還有人入得麼。
 快須入取。免得孤負平生。不是龍門客。切忌遭
 點額。那個是龍門客。一齊點下。舉起拄杖曰。速
 退速退。珍重。○上堂。先聖云。一句語。須具三玄
 門。一玄門。須具三要。阿那個是三玄三要底句。
 快會取好。各自思量。還得穩當也。鉢。鉢。總。總。嚼。
 行脚。聞一個因緣。未明中間。箇下鉢。鉢。無。無。嚼。
 卧不安。火急決擇。莫將為小事。所以大覺老人
 為一大事因緣。出現於世。想計他從上來行脚。
 不為遊山翫水。看州府奢華。片衣口食。皆為聖
 心未通。所以驅馳行脚。決擇深奧。傳唱敷揚。博
 問先知。親近高德。蓋為續佛心燈。紹隆祖代。興
 崇聖種。接引後機。自利利他。不忘先跡。如今還
 有商量者麼。有。即出來。大家商量。僧問。如何是
 接初機底句。師曰。汝是行脚僧。曰。如何是辨衲
 僧底句。師曰。西方日出卯。曰。如何是正令行底

三句

辨三
玄三
要頌

四照
用

四賓
主

三訣

句。師曰。千里持來呈舊面。曰。如何是立乾坤底
 句。師曰。北俱盧洲長粳米。食者無貪亦無嗔。乃
 曰。將此四轉語。驗天下衲僧。終見你出來。驗得
 了也。○問。如何是學人著力處。師曰。嘉州打大
 像。曰。如何是學人轉身處。師曰。陝府灌鐵牛。曰。
 如何是學人親切處。師曰。西河弄師子。乃曰。若
 人會得此三句。已辨三玄。更有三要語在。切須
 薦取。不是等閑。與大眾頌出。三玄三要事難分。
 得意忘言道。易親。一句明明該萬象。重陽九月
 菊花新。○上堂。凡一胸語。須具三要。有照有
 用。或照用同時。或照用不同時。先照後用。且要
 共你商量。先用後照。你也須是個人。始得照用
 同時。你作麼生當抵。照用不同時。你又作麼生
 湊泊。○僧問。如何是賓中賓。師曰。合掌庵前問
 世尊。曰。如何是賓中主。師曰。對面無儔侶。曰。如
 何是主中賓。師曰。陣雲橫海上。拔劍攪龍門。曰。
 如何是主中主。師曰。三頭六臂擊天地。忿怒那
 吒撲帝鐘。○上堂。汾陽有三訣。衲僧難辨別。更
 擬問如何。拄杖驀頭揆。時有僧問。如何是三訣。

十智
同真

師便打僧禮拜。師曰：為汝一時頌出第一訣。接引無時節。巧語不能詮。雲紋青天月。第二訣。舒光辨賢哲。問荅利生心。拔却眼中楔。第三訣。西國胡人說。濟水過新羅。北地用賓鐵。復曰：還有人會麼。會底出來。通個消息。要知遠近。莫祇恁麼。記言記語。以當平生。有甚麼利益。不用久立。珍重。僧問：如何是祖師西來意。師曰：青絹扇子足風涼。頌上堂謂眾曰：夫說法者。須具十智。同真。若不具十智。同真。邪正不辨。縑素不分。不能與人天為眼目。决斷是非。如鳥飛空而折。如箭射的而斷弦。弦斷故射的不中。翼折故空不可飛。弦壯翼牢。空的俱徹。作麼生是十智。同真。與諸上座點出。一同一質。二同大事。三總同參。四同真志。五同徧普。六同具足。七同得失。八同生殺。九同音吼。十同得入。又曰：與甚麼人同得入。與阿誰同音吼。作麼生是生殺。甚麼物同得失。阿那個同具足。是甚麼同徧普。何人同真志。孰能總同參。那個同大事。何物同一質。有點得出底麼。點得出者。不恁慈悲。點不出來。未有參學眼在。切須辨取。要識是非面目。現在不可

文

臨

三

久立珍重

嗣首
少念

殺活

葉縣歸省禪師。遊方參首山。山一日舉竹篋。問曰。喚作竹篋。即觸。不喚作竹篋。即背。喚作甚麼。師掣得。擲地上曰。是甚麼。山曰。瞎。師於言下。豁然頓悟。○上堂。宗師血脉。或凡或聖。龍樹馬鳴。天堂地獄。鑊湯爐炭。牛頭獄卒。森羅萬象。日月星辰。他方此土。有情無情。以手畫一畫云。俱入此宗。此宗門中。亦能殺人。亦能活人。殺人須得殺人刀。活人須得活人句。作麼生是殺人刀。活人句。道得底。出。上堂。對眾道。看。若道不得。即須負平生珍重。○上堂。良久曰。夫行脚禪流。直須著付。參學須具參學眼。見地須得見地句。方有相親分。始得不被諸境惑。亦不落於惡道。畢竟如何。委恁。有時句到。意不到。妄緣前塵。分別影事。有時意到。句不到。如盲摸象。各說異端。有時意句俱到。打破虛空界。光明照十方。有時意句俱不到。無目之人。縱橫走。忽然不覺落深坑。○僧請益柏樹子話。師曰。我不辭與汝說。還信麼。曰。和尚重言。爭敢不信。師曰。汝還聞簷頭水滴聲麼。其僧豁然。不覺失聲云。唧。師曰。你見個甚。

請益
柏樹
子

意句

嗣首
山念

麼道理。僧便以頌對曰。簷頭水滴。分明歷歷。打破乾坤。當下心息。師乃忻然。頌問如何。是學人密用心處。師曰。鬧市鞦韆子。曰。意旨如何。師曰。溥請衆人看。

僧收

神鼎洪諲禪師。自遊方一衲。以度寒暑。嘗與數耆舊。至襄沔間。一僧舉論宗乘。頗敏捷。會野飯山店中。供辦。而僧論說不已。師曰。三界唯心。萬法唯識。唯識唯心。眼聲耳色。是甚麼人語。僧曰。法眼語。師曰。其義如何。曰。唯心故。根境不相對。唯識故。聲色從然。師曰。舌味是根。境不相對。以筋筴菜置口中。含胡而語。曰。何謂相入耶。坐

貪嗔
痴

者駭然。僧不能答。師曰。途路之樂。終未到家。見解入微。不名見道。參須實參。悟須實悟。閻羅大王。不怕多語。僧拱而退。○上堂。舉洞山曰。貪嗔痴。太無知。賴我今朝識得伊。行便打。坐便槌。分付心。王子細推。無量劫來不鮮脫。問汝三人。知不知。師曰。古人與麼道。神鼎則不然。貪嗔痴。實無知。十二時中。任從伊。行即往。坐即隨。分付心。王擬何為。無量劫來元鮮脫。何須更問知不知。○僧問撥塵見佛時如何。師曰。佛亦是塵。

嗣首
山念

住持
不易

石門
三句

谷隱蘊聰禪師。即石門聰初參百丈恒和尚。因結夏
 百丈上堂。舉中觀論曰。正覺無名相。隨緣即道
 場。師便出問。如何是正覺無名相。丈曰。汝還見
 露柱麼。師曰。如何是隨緣即道場。丈曰。今日結
 夏。**頌**次參首山。問學人親到寶山。空手回時如
 何。山曰。家家門前火把子。師於言下大悟。呈偈
 曰。我今二十七。訪道曾尋覓。今朝喜得逢。要且
 不相識。○後到大陽玄和尚。問。近離甚處。師曰。
 襄州陽。曰。作麼生。是不隔底句。師曰。和尚住持
 不易。揚曰。且挫。禪。師。便。欲。欺。麼。持。坐。調。適。來。
 曰。我獻他新羅附子。他酬我舶上茴香。你去問
 它。有語在。侍者請師喫茶。問。適來祇對和尚道
 住持不易。意旨如何。師曰。真鑰不博金。**頌**僧問
 日往月來遷。不覺年衰老。還有不老者麼。師曰。
 有。曰。如何是不老者。師曰。虬龍筋力高聲叫。晚
 後精靈轉更多。○問承古有言。祇者如今誰動
 口。意旨如何。師曰。莫認驢鞍橋。作阿爺下頷。○
 示眾。第一句道得。石裏迸出。第二句道得。挨拶
 將來。第三句道得。自救不了。○上堂。春景溫和。

卷之三

臨

卷

嗣首
山念

春雨普潤萬物生芽甚麼處不沾恩且道承恩
力一句作麼生道良久曰春雨一滴滑如油
廣慧元璉禪師頌到首山山問近離甚處師曰
漢上山豎起拳曰漢上還有這個麼師曰這個
是甚麼椀鳴聲山曰瞎師曰恰是拍一拍便出
他日又問學人親到寶山空手回時如何山曰
家家門前火把子師當下大悟云某甲不疑天
下老和尚舌頭也山曰汝會處作麼生與我說
來看師曰祇是地上水碓砂也山曰汝會也師

更禮拜○上堂臨濟兩堂無猶避相親是時

若道無亦是個瞎漢不有不無萬里崖州若向
這裡道得也好與三十棒若道不得亦與三十
棒衲僧家到這裏作麼生出得山僧圈襪去良
久曰苦哉蝦蟆蚯蚓踔跳上三十三天撞著須
弥山百雜碎拈拄杖曰一隊無孔鍤槌速退速
退僧問如何是祖師西來意師曰竹竿頭上耀
紅旗

嗣首
山念

三交智高禪師即唐參首山問如何是佛法
的的大意山曰楚王城畔汝水東流師於此有

三玄偈

省頓契佛意。乃作三玄偈曰。其須用直須用心。意莫定動。三歲師子吼。十方沒狐種。其我有真如性。如同幕裏隱。打破六門關。顯出昆盧印。其三真骨金剛體。可誇六塵一拂永無遮。廓落世界空為體。體上無為真到家。山聞乃請喫茶。問。這三頌是汝作來耶。師曰是。山曰。或有人教汝現三十二相時如何。師曰。某甲不是野狐精。山曰。惜取眉毛。師曰。和尚落了多少。山以竹篋頭上打曰。這漢向後亂作去在。○上堂。文殊仗劍五

臺橫行。唐明一路。難斷。鐵。四世。釋。佛。鉢。龍。散。乘。經。度。遊。魚。龍。門。難。斷。鐵。鉢。四。世。釋。佛。鉢。龍。散。

外玄談。為求知識。若也舉揚宗旨。須弥直須粉碎。若也說佛說祖。海水便須枯竭。寶劍揮時。毫光萬里。放汝一路。通方說話。把斷咽喉。諸人甚處出氣。

嗣首山念

仁王處評禪師。問首山。如何是佛法大意。山便唱。師禮拜。山拈棒。師曰。老和尚沒世界。那山拋

嗣首山念

下拄杖曰。明眼人難謾。師曰。草賊大敗。丞相王隨居士。謁首山。得言外之旨。自爾履踐深明大法。臨終書偈曰。盡堂燈已滅。彈指向誰

說去住本尋常春風掃殘雪

會元十一卷終

陽分

道出常情

見楊大年

為人一句

石霜楚圓慈明禪師聞汾陽道望遂往謁焉陽
 顧而默契之經二年未許入室每見必罵詬或
 毀詆諸方及有所訓皆流俗鄙事一夕訴曰自
 至法席已再夏不蒙指示但增世俗塵勞念歲
 月飄忽已事不明失出家之利語未卒陽熟視
 罵曰是惡知識敢裨販我怒舉杖逐之師擬伸
 救陽掩師口乃大悟曰是知臨濟道出常情服
 役七年辭去衣唐明禪師不謂師乃欲辭
 內翰知見高入道穩實子不謂師乃欲辭
 大年問曰對面不相識千里却同風師曰近
 奉山門請年曰真個脫空師曰前月離唐明年
 曰適來悔相問師曰作家年便喝師曰恰是年
 復喝師以手畫一畫年吐舌曰真是龍象師曰
 是何言歟年喚客司點茶來元來是屋裏人師
 曰也不消得領年又問如何是上座為人一句
 師曰切年曰與麼則長裙新婦拖泥走師曰誰
 得似內翰年曰作家作家師曰放你二十棒年
 拊膝曰這裡是甚麼所在師拍掌曰也不得放

文庫

卷

七

卷之六

臨濟

其

李遵
勗問
話
謁神

過年大笑○又問。記得唐明當時悟底因緣麼。
 師曰。唐明問首山如何是佛法的的大意。山曰。
 楚王城畔。汝水東流。年曰。祇如此語。意旨如何。
 師曰。水上挂燈毬。年曰。與恁則孤負古人去也。
 師曰。內翰疑則別參。年曰。三脚蝦蟆跳上天。師
 曰。一任踔跳。年乃大笑。館于齋中。日夕質疑智
 證。頌李附馬問。我聞西河有金毛師子。是否。師
 曰。甚麼處得者消息。公便唱。師曰。野于鳴。公又
 唱。師曰。恰是。公大笑。頌僧問如何是佛。師曰。水
 出。糲人。類。糲。部。無。鵠。鷓。斯。門。都。佛。此。尊。十。第。門。
 弟子氣吞諸方。師髮長不剪。弊衣楚音。通謁稱
 法姪。一眾大笑。鼎遣童子問長老誰之嗣。師仰
 視屋曰。親見汾陽來。鼎杖而出。顧見頎然。問曰。
 汾州有西河師子。是否。師指其後絕。叫曰。屋倒
 矣。童子返走。鼎回顧相矍鑠。師地坐。脫隻履而
 視之。鼎老忘所問。又失師所在。師徐起整衣。且
 行。且語曰。見面不如聞名。遂去。鼎遣人追之。不
 可。嘆曰。汾州乃有此兒耶。師自是名重叢林。○
 後住道吾。上堂。先寶應曰。第一句薦得。堪與祖

卷之六

高僧

四

慈明
三句

示眾

福嚴
境界

興化
家風

佛為師第二句薦得。堪與人天為師。第三句薦得。自救不了。道吾則不然。第一句薦得。和泥合水。第二句薦得。無繩自縛。第三句薦得。四稜著地。所以道起也。海晏河清。行人避路。住也。乾坤失色。日月無光。汝輩向甚麼處出氣。如今還有出氣者麼。有即出來對眾出氣看。如無道吾為汝出氣去也。乃噓一聲。卓拄杖下座。○上堂。道吾打鼓。四大部洲同叅。拄杖橫也。挑括乾坤大地。鉢盂覆也。蓋却恒沙世界。且問諸人。向甚麼處安身。短命。漚乳。知得。狗吠。鱸。盧。洲。禦。游。楔。板。擊禪牀。一下云。大眾還會麼。不見道。一擊忘所知。更不假修持。諸方達道者。咸言上上機。香嚴恁麼悟去。分明悟得。如來禪。祖師禪。未夢見在。且道。祖師禪。有甚長處。若向言中取。則悞賺後人。直饒棒下承當。孤負先聖。萬法本閑。惟人自開。所以山僧居福嚴。祇見福嚴境界。晏起早眠。有時雲生碧嶂。月落寒潭。音聲鳥飛。鳴般若臺前。娑羅花香散。祝融峰畔。把瘦筇。坐盤石。與五湖衲子。時話玄微。灰頭土面。住興化。祇見興化

家風迎來送去。門連城市。車馬駢闐。漁唱瀟湘。猿啼嶽麓。絲竹歌謠。時時入耳。復與四海高人。日談禪道。歲月都忘。且道居深山。住城郭。還有優劣也無。試道看良久云。是處是慈氏。無門無善財。**頌**僧問。行脚不逢人。時如何。師曰。釣絲絞水。**頌**師室中插劍一口。以草鞋一對。水一盆。置在劍邊。每見入室。即曰。看看。有至劍邊擬議者。師曰。險喪身失命也。便喝出。**頌**師冬日。榜僧堂。作此字。三二二。三几。羽拙。其注曰。若人識得。不維四威義中。首座見曰。和尚今日放鉢。師聞而笑之。**頌**師問顯英上座。近離甚處。曰。金鑿。師曰。夏在甚處。曰。金鑿。師曰。去夏在甚處。曰。金鑿。師曰。前夏在甚處。曰。金鑿。師曰。先前夏在甚處。曰。何不領話。師曰。我也不能勘得你。教庫下奴子勘你。且點一盞茶。與你濕嘴。**增收**

嗣汾
陽昭

瑯琊慧覺禪師。僧問。如何是佛。師曰。銅頭鐵額。曰。意旨如何。師曰。烏嘴魚腮。○上堂。奇哉十方佛。元是眼中花。欲識眼中花。元是十方佛。欲識十方佛。不是眼中花。欲識眼中花。不是十方佛。欲識於此明得過。在十方佛。於此未明。聲聞起舞。獨

見聞
覺知

通方
句

五般
病

覺臨粧。珍重○上堂。見聞覺知。俱為生死之因。見聞覺知。正是解脫之本。譬如師子返擲南北東西。且無定止。汝等諸人。若也不會。且莫孤負釋迦老子。叫○上堂。山僧今日為諸人說破。明眼衲僧。莫去泥裏打坐。珍重○上堂。剪除狂寇。掃蕩攪槍。猶是功勳邊事。君臣道合。海晏河清。猶是法身邊事。作麼生是衲僧本分事。良父曰。透網金鱗。猶滯水。回頭石馬。出紗籠○上堂。承言須會宗。勿自立規矩。若人下得通方句。我當割額不謝。欽○午。撞三。歇。謙。懶。懶。瞌。瞌。暗。鴉。鷲。甚。却。打。三。更。良。父。曰。昨。見。垂。楊。綠。今。逢。落。葉。黃。○上堂。汝等諸人。在我這裏過夏。與你點出五般病。一不得向萬里無寸草處去。二不得孤峰獨宿。三不得張弓架箭。四不得物外安身。五不得滯於生殺。何故。一處有滯。自救難為。五處若通。方名導師。汝等諸人。若到諸方。遇明眼作者。與我通個消息。貴得祖風不墜。若是常徒。即便寢息。何故。躑形國裏。誇服飾。想君太煞不知時。○上堂。拈拄杖曰。盤山道向上一路滑。南院道

卷之五

臨

四

嗣汾
陽昭

壁立萬仞險。臨濟道石火電光鈍。瑯邪有定乾
坤底句。各各高著眼。卓拄杖下座。

大愚守芝禪師。上堂。大愚相接大雄孫。五湖雲
水繞頭奔。繞頭奔。有何門。擊箭寧知枯木存。枯

木存。一年還曾兩度春。兩度春。帳裏真珠撒與
人。撒與人。思量也是慕西秦。○上堂。豎窮三際。

橫徧十方。拈起也。帝釋心驚放下也。地神膽戰
不拈不放。喚作甚麼。自云蝦蟆。○上堂。三世諸

佛不知有。狸奴白拈却知有。乃拈起拂子云。狸
奴白拈。總在這裏。佛說動也。可謂如此。兩段不

嗣汾
陽昭

法華全舉禪師。到大愚芝和尚處。愚問古人見
桃花。意作麼生。師曰。曲不藏直。曰。那個且從。這

個作麼生。師曰。大街拾得金。四隣爭得知。曰。上
座還知麼。師曰。路逢劍客須呈劍。不是詩人不
獻詩。曰。作家詩客。師曰。一條紅線兩人牽。曰。玄

沙道諦當甚。諦當敢保老兄未徹在。又作麼生。
師曰。海枯終見底。人死不知心。曰。却是。師曰。樓

閣凌雲勢。峰巒疊翠層。○頌。到瑯邪覺和尚處。邪
問近離甚處。師曰。兩浙。曰。船來陸來。師曰。船來。

法華
四料
棟

曰船在甚處師曰步下曰不涉程途一句作麼
生道師以坐具撼一撼曰杜撰長老如麻似粟
拂袖而出瑯問侍者此是甚麼人者曰舉上座
瑯曰莫是舉師叔麼先師教我尋見伊遂下且
過問上座莫是舉師叔麼莫怪適來相觸忤師
便喝復問長老何時到汾陽瑯曰某時到師曰
我在浙江早聞你名元來見解祇如此何得名
播寰宇瑯遂作禮曰某甲罪過○僧問如何是
奪人不奪境師曰白菊乍開重日暖百年公子
不儼然獨任真曰婦儼是奪境兩俱奪師曰
荒人變色凡聖兩齊空曰如何是人境俱不奪
師曰清風與明月野老笑相親○上堂鐘鳴鼓
響鵲噪鴉鳴為你諸人說般若講涅槃了也諸
人還信得及麼觀音菩薩向諸人面前作大神
通若信不及却往它方救苦利生去也○上堂
語漸也返常合道論頓也不留朕迹直饒論其
頓返其常也是抑而為之

嗣汾
陽昭

芭蕉谷泉禪師○省同叅慈明禪師明問白雲
橫谷口道人何處來師左右顧視曰夜來何處

嗣汾陽昭

火燒出古人墳。明曰未更道。師作虎聲。明以坐具便。搥師接住。推明置禪牀上。明却作虎聲。師大笑曰。我見七十餘員善知識。今日始遇作家。○慈明遷住福嚴。師又往省之。少留而還。作偈寄之曰。相別而今又半年。不知誰共對談禪。一般秀色湘山裏。汝自住徒我自眠。

嗣葉縣省

天聖皓泰禪師到瑯琊。瑯琊問埋兵掉鬪未是作家。足馬單鎗。使請相見。師指邪曰。將頭不猛。帶累三軍。邪打師一坐具。師亦打邪一坐具。邪接住曰。適來一坐具。是山僧令行。上座一坐具。落在甚處。師曰。伏惟尚饗。邪拓開曰。五更侵早起。更有夜行人。師曰。賊過後張弓。邪曰。且坐喫茶。○僧問如何是佛。師曰。黑漆聖僧。

歐陽脩請因基說法

浮山法遠禪師號遠公○僧問如何是祖師西來意。師曰。平地起骨堆。○歐陽文忠公聞師奇逸。造其室。未有以異之。與客基。師坐其旁。文忠遽收局。請因基說法。師即令搥鼓。陞座曰。若論此事。如兩家著碁相似。何謂也。敵手知音當機不讓。若是綴五饒三。又通一路始得。有一般底。祇解閉門作活。不會奪角衝關。硬節與虎口齊彰。

摩醯
三日

局破後徒勞綽幹。所以道。肥邊易得。瘦肚難求。思行則徃徃失粘。心竈而時時頭撞。休誇國手。謾說神僊。贏局輸籌。即不問。且道黑白未分時。一著落在甚麼處。良久曰。從來十九路。迷悟幾多人。文忠加嘆。從容謂同僚曰。脩初疑禪語為虛誕。今日見此老機緣。所得所造。非悟明於心地。安能有此妙旨哉。○上堂。諸佛出世。建立化門。不離三身智眼。亦如摩醯首羅三日。何故。一隻水泄不通。緇素難辨。一隻大地全開。十方通暢。一隻高低。一顧萬類齊瞻。雖然。若是本分衲僧。陌路相逢。別具通天正眼。始得。所以道。三世諸佛不知有。狸奴白牯却知有。且道。狸奴白牯知有個甚麼事。要會麼。深秋簾幙千家雨。落日樓臺一笛風。○師暮年休於會聖巖。叙佛祖奧義。作九帶。曰。佛正法眼帶。佛法藏帶。理貫帶。事貫帶。理事縱橫帶。屈曲垂帶。妙叶兼帶。金針雙鎖帶。平懷常實帶。學者既已傳誦。師曰。若據圓極法門。本具十數。今此九帶。已為諸人說了。更有一帶。還見得麼。若也見得親切分明。却請出來對眾說看。說得分明。許汝通前九帶。圓明道。

浮山
九帶

摩醯三日

臨

四

嗣葉
縣省

眼若也不親切。說不相應。唯依吾語而為已解。則名謗法。諸人到此如何。眾無語。師叱之而去。寶應昭禪師。上堂。十二時中。許你一時絕學。即是學佛法。不見阿難。多聞第一。却被迦葉擯出。不得結集。方知聰明博學。記持憶想。向外馳求。與靈覺心。轉沒交涉。五蘊殼中。透漏不過。順情生喜。違情生怒。蓋覆深厚。自纏自縛。無有解脫。流浪生死。六根為患。眾苦所逼。無自由分。而被妄心。於中主宰。大丈夫兒。早搆取好。喝一喝曰。參。

縣省

嗣谷
隱聰

父母
未生
時

大乘慧果禪師。僧問。撥塵見佛時如何。師曰。撥塵即乖。見佛即錯。曰。總不如是時如何。師曰。錯。金山曇穎達觀禪師。首謁大陽玄禪師。遂問洞山。特設偏正君臣。意明何事。陽曰。父母未生時事。師曰。如何。體。會。陽曰。夜半正明。天曉不露。師曰。罔然。遂謁谷隱。舉前話。隱曰。大陽不道不是。稱是口門窄。滿口說未盡。老僧即不然。師問如何。是父母未生時事。隱曰。糞墜子。師曰。如何。是夜半正明。天曉不露。隱曰。牡丹花下睡貓兒。隱曰。疑駭。一日普請。隱問今日運薪耶。師曰。然。隱曰。

執事
契理

智識
難到

達觀
穎四

雲門問僧人般柴柴般人如何會師無對隱曰
 此事如人學書點畫可効者工否者拙蓋未能
 忘法耳當筆忘手手忘心乃可也師於是默契
 良久曰如石頭云執事元是迷契理亦非悟隱
 曰汝以為藥語為病語師曰是藥語隱呵曰汝
 以病為藥又安可哉師曰事如函得蓋理如箭
 直鋒妙寧有加者而猶以為病實未喻旨隱曰
 妙至是亦祇明理事祖師意旨智識所不能到
 矧事理能盡乎故世尊云理障礙正知見事障
 續諸生死師恍如夢覺曰如是受用隱曰語不
 離窠臼安能出蓋纏師嘆曰終涉唇吻便落意
 思盡是死門終非活路○示眾曰終涉唇吻便
 落意思盡是死門俱非活路直饒透脫猶在沉
 淪莫教孤負平生虛度此世要得不孤負平生
 麼拈拄杖卓一下曰須是莫被拄杖瞞始得看
 看拄杖子穿過你諸人髑髏躑跳入你鼻孔裏
 去也又卓一下○上堂大眾集定有僧纔出禮
 拜師曰欲識佛性義當觀時節因緣僧便問如
 何是時節因緣師便下座○問如何是奪人不
 奪境師曰家裡已無回日信路邊空有望鄉牌

卷之六

臨

記

料棟

曰如何是奪境不奪人。師曰滄海盡教枯見底。青山直得輾為塵。曰如何是人境兩俱奪。師曰天地尚空。秦日月山河不見。漢君臣曰如何是人境俱不奪。師曰鶯轉千林花滿地。客游三月草侵天。

嗣谷
隱聰

仁壽珎禪師。上堂。明明無悟。有法即迷。日上無雲。麗天普照。眼中無翳。空本無花。無智人前。不得錯舉。參。

嗣谷
隱聰

永慶普禪師。初問谷隱。古人道。來日大悲院裏。有齋。意旨如何。曰。日出畏陽坐。天寒不舉頭。師入室。次隱曰。適來因緣。汝作麼生。會。師曰。會則途中受用。不會則世諦流布。曰。未。在。更道。師拂袖使出。

嗣谷
隱聰

附馬都尉李遵勗居士。謁谷隱。問出家事。隱以崔趙公問徑山公案答之。公於言下大悟。作偈曰。學道須是錢漢。著手心頭便判。直趣無上菩提。一切是非莫管。

嗣谷
隱聰

英公夏竦居士。自契機於谷隱。日與老衲游。偶上藍溥禪師。至公問百骸潰散時。那個是長老自家底。藍曰。前月二十離蘄陽。公休去。藍却問

嗣廣
慧璉

百骸潰散時。那個是相公自家底。公便喝。藍曰。喝則不無。畢竟那個是相公自家底。公對以偈。曰。休認風前第一機。太虛何處著思惟。山僧若要通消息。萬里無雲月上時。藍曰。也是弄精氣。華嚴道隆禪師。初參石門徹和尚。問曰。古者道。但得隨處安閑。自然合他古轍。雖有此語。疑心未歇時如何。門曰。知有乃可隨處安閑。如人在州縣住。或聞或見。千奇百怪。它總將作尋常。不知有而安閑。如人在村落住。有少聲色。則驚怪。傳說師於信福嚴。和尙問曰。禪師親見石門廣慧。嗣一。信福嚴。和尙問曰。禪師親見石門如何。却嗣廣慧。師曰。我見廣慧。渠欲剃髮。使我擎凳子來。慧曰。道者。我有凳子詩。聽取。乃曰。放下便平穩。我時便肯伊。因叙在石門處所得。廣慧曰。石門所示。如百味瓊羞。祇是飽人不得。文公楊億居士。字大年。出守汝州。首謁廣慧。慧接見。公便問。布鼓當軒擊。誰是知音者。慧曰。來風深辨。公曰。恁麼則禪客相逢。祇彈指也。慧曰。君子可八。公應喏喏。慧曰。草賊大敗。夜語次。慧曰。秘監曾與甚人道話來。公曰。某曾聞雲巖

嗣廣
慧璉

諒監寺。兩個大虫相咬時如何。諒曰。一合相。某曰。我祇管看。未審恁麼道。還得麼。慧曰。這裡即不然。公曰。請和尚別一轉語。慧以手作拽鼻勢。曰。這畜生更踣跳在。公於言下脫然無疑。有偈曰。八角磨盤空裏走。金毛師子變作狗。擬欲將身北斗威。應須合掌南辰後。公問廣慧曰。承和尚有言。一切罪業皆因財寶所生。勸人踈於財利。况南閻浮提衆生。以財為命。邦國以財聚人。教中有財法二施。何得勸人踈財乎。慧曰。幡竿尖上鍊籠頭。公曰。海壇馬子似驢大。慧曰。楚雞不是丹山鳳。公曰。佛滅二千歲。比丘少慚愧。

大年
置一
百問

公置一百問。請廣慧答。慧一一答回。○公問李

都尉曰。釋迦六年苦行。成得甚麼事。尉曰。擔折

知柴重。公復將其師承密證寄李翰林

嗣石
霜圓

翠巖可真禪師。嘗參慈明。因之金鑿。同善侍者

坐夏。善乃慈明高第。道吾真。楊岐會。皆推伏之

師。自負親見慈明。天下無可意者。善與語。知其

未徹。笑之。一日山行。舉論鋒發。善拈一片瓦礫

置盤石上。曰。若向這裏下得一轉語。許你親見

情識
未透

慈明。師左右視。擬對之。善叱曰。佇思。停機。情識

翠巖
三句

未透何曾夢見師自愧悚。即還石霜慈明見來。叱曰。本色行脚人。必知時節。有甚急事。夏未了。早已至此。師泣曰。被善兄毒心。終礙塞人。故來見和尚。明遽問如何是佛法大意。師曰。無雲生嶺上。有月落波心。明瞋目喝曰。頭白齒豁。猶作這個見解。如何脫離生死。師悚然求指示。明曰。汝問我師理前語問之。明震聲曰。無雲生嶺上。有月落波心。師於言下大悟。師爽氣逸出。機辯迅捷。叢林憚之。○僧問如何是學人轉身處。師曰。一者著。二者調。曰。如何是學人著力處。師曰。千日斫柴。一日燒。曰。如何是學人親切處。師曰。渾家送上渡頭船。○上堂。舉龍牙頌曰。學道如鑽火。逢烟未可休。直待金星現。歸家始到頭。神鼎曰。學道如鑽火。逢烟即便休。莫待金星現。燒脚又燒頭。師曰。若論頓也。龍牙正在半途。若論漸也。神鼎猶少悟在。於此復且如何。諸仁者。今年多落葉。幾處掃歸家。○上堂。舉僧問巴陵。如何是道。陵曰。明眼人落井。又問寶應。如何是道。應曰。五鳳樓前。又問首山。如何是道。山曰。脚下深三尺。此三轉語。一句躡立千仞。一句陸地行。

龍牙
神鼎
頌

三轉
語

龍牙頌

高僧

五

四

船一句賓主交參。諸人莫有揀得者麼。出來道
看如無。且行羅漢慈。破結賊故。行菩薩慈。安眾
生故。行如來慈。得如相故。

嗣石
霜圓

蔣山贊元禪師。三歲出家。七歲為僧。十五遊方。
遠造石霜。陞於丈室。慈明一見曰。好好著槽廠。
師遂作驢鳴。明曰。真法器耳。俾為侍者。二十年
中。運水般柴。不憚寒暑。悉已躬親。求道後。出世
蘇臺天峰。龍華白雲。府帥請居誌公道場。提綱
宗要。機鋒迅敏。解行相應。諸方推服。○丞相王

安石
頌

公。安石。重師德。望。持。奏。章。服。師。號。公。又。堅。辭。昂
席。結。廬。定。林。山。中。與。師。蕭。散。林。下。清。談。終。日。贈

遷化
安石
慟哭

師頌曰。不與物違。真道廣。每隨緣起。自禪深。舌
根已淨。誰能壞。足跡如空。我得彙。此亦明世希
有事也。○元祐元年。師乃遷化。丞相王公慟哭
于塔。讚師真曰。賢哉人也。行厲而容寂。知言而
能默。譽榮弗喜。辱毀弗戚。弗矜弗克。人自稱德。
有緇有白。來自南北。弗順弗逆。弗抗弗抑。弗觀
汝華。唯食已實。孰其嗣之。我有遺則。

嗣石
霜圓

大寧道寬禪師上堂。無念為宗。無住為本。真空
為體。妙有為用。所以道盡大地。是真空。徧法界。

是妙有。且道是甚麼人用得。四時運月。日月常明。法本不遷。道無方所。隨緣自在。逐物昇沉。此土它方。入凡入聖。雖然如是。且道入廊隨俗一句。作麼生道。良久曰。西天梵語。東土唐言。○僧問如何是露地白牛。師以火筋插火爐中曰。會麼。曰。不會。師曰。頭不欠。尾不剩。

嗣石
霜圓

道吾悟真禪師。上堂。師子兒哮吼。龍馬駒踔跳。古佛鏡中明。三山孤月皎。遂作舞下座。○上堂。舉洞山道。五臺山上雲蒸飯。佛殿堦前狗屎天。

處
諸訛

兔立庭柏。脫殼烏龜飛上天。老僧葛藤盡被汝諸人覷破了也。洞山老人甚是奇特。雖然如是。祇行得三步四步。且不過七跳八跳。且道諸訛在甚麼處。老僧今日不惜眉毛。一時布施良久。曰。叮嚀損君德。無言真有功。任從滄海變。終不為君通。○上堂。古人道。認著依前還不是。實難會。土宿領下髭鬚多。波斯眼深鼻孔大。甚奇怪。欵然透過新羅界。○僧問如何是第一玄。師曰。釋尊光射阿難肩。曰如何是第二玄。師曰。孤輪

三玄

三要

衆象攢。曰如何是第三玄。師曰。泣向枯柴淚漣漣。曰如何是第一要。師曰。最好精麈照。曰如何是第二要。師曰。閃電乾坤光晃曜。曰如何是第三要。師曰。路夾青松老。○上堂。舉僧問首山。如何是佛山。曰。新婦騎驢阿家牽。師曰。手提巴鼻脚踏尾。仰面看天聽流水。天明送出路傍邊。夜靜還歸茅屋裡。○問僧甚處來。曰。堂中來。師曰。聖僧道甚麼。僧近前不審。師曰。東家作驢。西家作馬。曰。過在甚麼處。師曰。萬里崖州。

嗣石

廣去源單師。上堂。春雨散散。善願水清。○上堂。若論此事。切莫道著。道著

嗣石
霜圓

即頭角生。有僧出曰。頭角生也。師曰。禍事。曰某甲罪過。師曰。龍頭蛇尾。伏惟珍重。

進心
珠歌

靈隱德章禪師。仁宗皇帝。詔師於延春閣下齋。宣普照大師問。如何是當機一句。師曰。一言迥出青霄外。萬仞峰前險處行。曰。作麼生是險處行。師便喝。曰。皇帝面前何得如此。師曰。也不得放過。○師進心珠歌曰。心如意。心如意。任運隨緣不相離。但知莫向外邊求。外邊求。終不是。枉用工夫隱真理。識心珠。光耀日。秘藏深密無。

形質。拈來掌內衆人驚。二乘精進爭能測。碧眼胡須指出。臨機妙用何曾失。尋常切忌與人看。大地山河動岌岌。

嗣琅邪覺

海印

三句

定慧超信海印禪師。僧問如何是第一句。師曰。那吒忿怒。曰如何是第二句。師曰。衲僧罔措。曰如何是第三句。師曰。西天此土。○上堂。若識般若。即被般若縛。若不識般若。亦被般若縛。識與不識。拈放一邊。却問諸人。如何是般若體。衆堂去。

嗣琅邪覺

初潭月禪師。曾問。偈多羅教。如標月指。未審指個甚麼。師曰。請高著眼。曰。曙色未分。人盡望及。

乎天曉也。尋常師曰。年哀鬼弄人。

嗣琅邪覺

姜山方禪師。僧問如何是一塵入正受。師曰。蛇銜老鼠尾。曰如何是諸塵三昧起。師曰。鼈咬釣魚竿。曰。恁麼則東西不辨。南北不分。去也。師曰。堂前一盞夜明燈。簾外數筵青瘦竹。○問諸佛未出世時如何。師曰。不識酒望子。曰。出世後如何。師曰。釣魚船上贈三椎。○上堂。不是道。得道不得。諸方盡把為奇特。寒山燒火滿頭灰。笑罵豐干這老賊。

嗣琅邪覺

白鹿端禪師。僧問。凝然湛寂時如何。師曰。不是。闍黎安身立命處。曰。如何。是學人安身立命處。師曰。雲有出山勢。水無投澗聲。

嗣琅邪覺

真如方禪師。叅瑯邪。唯看柏樹子話。每入室。陳其所見。不容措辭。常被喝出。忽一日大悟。直入方丈。曰。我會也。瑯邪曰。汝作麼生會。師曰。夜來牀薦暖。一覺到天明。瑯邪可之。

嗣琅邪覺

長水子璿講師。嘉禾人也。自落髮。誦楞嚴不輟。從洪敏法師講。至動靜二相。了然不生。有省。謂敏曰。敲空擊木。一作尚落筌蹄。舉目揚眉。已成疑議。去此二途。方契斯旨。敏拊而證之。然欲探禪源。

清淨本然

罔知攸往。聞瑯邪道重當世。即趨其席。值上堂。次出問。清淨本然。云何忽生山河大地。瑯邪憑陵荅曰。清淨本然。云何忽生山河大地。師領悟。禮謝曰。願侍巾瓶。瑯邪謂曰。汝宗不振久矣。且勵志扶持。報佛恩德。勿以殊宗為介也。乃如教。再拜以辭。後住長水。承稟日。顧眾曰。道非言象。得禪非擬議。知會意通宗。曾無別致。由是二宗仰之。嘗疏楞嚴等經。盛行于世。

嗣大惠芝

雲岑文悅禪師。初造大愚。聞示眾曰。大家相

散
桶箍

聚喫葶藶。若喚作一葶藶。入地獄如箭射。便下座。師大駭。○夜造方丈。愚問來何所求。師曰。求心法。愚曰。法輪未轉。食輪先轉。後生趁色力健。何不為衆乞食。我忍飢不暇。何暇為汝說禪乎。師不敢違。未幾。愚移翠巖。師納疏罷。復過翠巖。求指示。巖曰。佛法未到爛却。雪寒且為衆乞炭。師亦奉命。能事罷。復造方丈。巖曰。堂司闕人。今以煩汝。師受之。不樂。恨巖不去心地。坐後架桶箍。忽散。自架墮落。師忽然開悟。頓見巖用處。走塔。衆從上寢堂。巖迎笑曰。維那且喜大事了畢。師再拜不及吐一辭而去。服勤八年。後出世翠巖。時首座領衆出迎。問曰。德山宗乘。即不問如何。是臨濟大用。師曰。你甚處去來。座擬議。師便掌。座擬對。師喝曰。領衆歸去。自是一衆畏服。○僧問。萬法歸一。歸一何所。師曰。黃河九曲。曰。如何。是第一句。師曰。垂手過膝。曰。如何。是第二句。師曰。萬里崖州。曰。如何。是第三句。師曰。糞箕掃帚。○上堂。語不離窠臼。焉能出蓋纏。片雲橫谷口。迷却幾人源。所以道。言無展事。語不投機。承言者喪。滯句者迷。汝等諸人。到這裡。憑何話會。

雲峯
三句

諸相
非相

良久曰。欲得不招無間業。莫謗如來正法輪。○
上堂。道遠乎哉。觸事而真。聖遠乎哉。體之則神。
所以娑婆世界。以音聲為佛事。香積世界。以香
飯為佛事。翠巖這裡。祇於出入息內。供養承事。
過現未來塵沙諸佛。無一空過者。過現未來塵
沙諸佛。是翠巖侍者。無一不到。如一不到。三十
柱杖。諸上座。還會麼。將此深心奉塵刹。是則名
為報佛恩。○上堂。若見諸相非相。即山河大地。
並無過咎。諸上座。終日著衣喫飯。未嘗咬著一
粒米。未曾挂著一縷絲。更能變大地作黃金。覺
長河為酥酪。然雖如是。著衣喫飯。即不無衲僧。
門下汗臭氣也。未夢見在。○上堂。見聞覺知無
障礙。聲香味觸常三昧。衲僧道會也。山是山水
是水。飢來喫飯。困來打睡。忽然須弥山。躡跳入
你鼻孔裏。摩竭魚穿你眼睛中。作麼生商量。良
久曰。叅堂去。○小叅。舉百丈歲夜示眾曰。你這
一隊後生。經律論固是不知。入眾叅禪。禪又不
會。臘月三十日。且作麼生折合去。師曰。灼然諸
禪德。去聖時遙。人心澹泊。看却今時叢林。更是
不得所在之處。或聚徒三百五百。浩浩地。祇以

舉百
丈示
眾

今時
叢林

端然拱手

飯食豐濃。寮舍穩便。為旺化。中間孜孜。為道者。無一人。設有十個。五個。走上走下。半青半黃。會。即揔道我會。各各自謂。握靈蛇之珠。孰肯知非。及乎挨拶。鞭逼將來。直是萬中無一。苦哉苦哉。所謂般若。叢林。歲歲凋。無明荒草。年年長。就中。今時後生。終入眾來。便自端然拱手。受它別人。供養。到處菜不擇一莖。柴不般一束。十指不沾。水。百事不干懷。雖則一期快意。爭奈三途累身。豈不見教中道。寧以熱錢纏身。不受信心人衣。寧以羊銅灌口。不受言心人食。上座若也是去。直饒變大地作黃金。攬長河為酥酪。供養上座。未為分外。若也未是。至於滴水寸絲。便須披毛。帶角。牽犁拽杷。償他始得。不見祖師道。入道不通理。復身還信施。此是決定底事。終不虛也。諸上座。光陰可惜。時不待人。莫待一朝。眼光落地。緇田無一簣之功。錢園陷百刑之苦。莫言不道。珍重。

不通理

嗣淨山遠

嗣淨山遠

秀州本覺若珠禪師。僧問如何是道。師舉起拳。僧曰。學人不會。師曰。拳頭也不識。華嚴普寂禪師。僧問如何是賓中賓。師曰。客路。

四賓如天遠。曰如何是賓中主。師曰。侯門似海深。曰如何是主中主。師曰。寰中天子勅。曰如何是主

中賓。師曰。塞外將軍令。乃曰。賓中問主。互換機鋒。主中問賓。同生同死。主中辨主。飲氣吞聲。賓中覓賓。白雲萬里。故句中無意。意在句中。於斯明得。一雙孤雁。撲地高飛。於斯未明。一對鴛鴦。池邊獨立。知音禪客。相共證明。影響異流。切須子細。良久曰。若是陶淵明。攢眉便歸去。

嗣寶
應昭

瑯邪方銳禪師。上堂。造化無生物之心。而物物自成。雨露非潤物之意。而靈苗自榮。所以藥劑不食。而病自損。良師不親。而心自明。故知妙慧靈光。不從緣得。到這裡。方許你進步。瑯邪與你別作個相見。還有麼。若無。不可壓良為賤。

嗣寶
應昭

興陽希隱禪師。僧問。如何是懸崖撒手。底句。師曰。明月照幽谷。曰。如何是絕後再蘇。底句。師曰。白雲生太虛。曰。恁麼則樵夫出林丘。處處歌春色。師曰。是人道得。

嗣金
山穎

石佛顯忠祖印禪師。僧問。如何是相生。師曰。山河大地。曰。如何是想生。師曰。兔子望月。曰。如何是流注生。師曰。無間斷。人天眼目云。三種生石佛有頌。

嗣余
山穎

經禪
一體

酬金
山穎

諸佛
無中
說有

淨住居說禪師。參達觀。遂問曰。某甲經論粗明。禪直不信。願師決疑。觀曰。既不信禪。豈可明經。禪是經網。經是禪網。提綱正網。了禪見經。師曰。為某甲說禪看。觀曰。向下文長。師曰。若恁麼。經與禪乃一體。觀曰。佛及祖。非二心。如手搦拳。如拳搦手。師因而有省。乃成偈曰。二十餘年用意猜。幾番曾把此心灰。而今潦倒逢知己。李白元來是秀才。

節使李端愿居士。兒時在館舍。常閱禪書。長雖昏官。然篤志祖道。遂於後圃築室。類蘭若。邀達觀。處之朝夕。咨參至忘寢食。觀一日視公曰。非示現力。豈致爾哉。奈無個所入。何。公問曰。天堂地獄。畢竟是有。是無。請師明說。觀曰。諸佛向無中說有。眼見空花。太尉就有裏尋無。手搯水月。堪笑眼前見牢獄。不避心外聞天堂。欲生殊不知。忻怖在心。善惡成境。太尉但了自心。自然無惑。公曰。心如何了。觀曰。善惡都莫思量。公曰。不思量後。心歸何所。觀曰。且請太尉歸宅。公曰。祇如人死後。心歸何所。觀曰。未知生。焉知死。公曰。生則某已知之。觀曰。生從何來。公罔措。觀起。堪

嗣龍
華岳

于端師

其胸曰。祇在這裡。更擬思量個甚麼。公曰。會得也。觀曰。作麼生會。公曰。祇知貪程。不知蹉路。觀拓開曰。百年一夢。今朝方省。既而說偈曰。三十

八歲。懵然無知。及其有知。何異無知。滔滔汴水。隱隱隋堤。師其歸矣。箭浪東馳。

西余淨端禪師。始見弄師子。發明心要。往見龍華。蒙印可。遂旋里。合彩為師子皮。時被之。因號

端師子。上堂。二月二禪翁有何謂。春風觸目百

花開。公子王孫日日醺醺醉。唯有殿前陳朝檜。不入持人意。單家流。祇這莫思慮。但然齋後

一鬪茶長連。林上伸脚睡。吐。師到華亭。眾請

上堂。靈山師子。雲間哮吼。佛法無可商量。不如

打個筋斗。便下座。

巖真

大為慕。詰真如禪師。上堂。山僧本無積蓄。且得

粥足飯足。困來即便打眠。一任東卜西卜。○上

堂。不用思而知。不用慮而解。廬陵米價高。鎮州

蘿蔔大。○上堂。古佛道。昔於波羅奈。轉四諦法

輪。墮坑落壑。今復轉最妙。無上大法輪。土上加

泥。如今還有不歷階梯。獨超物外者麼。良久曰。

出頭天外看。誰是個中人。○上堂。阿刺刺。是甚

華岳
高
六

嗣芝
慧信

嗣興
化岳

三聖
之孝

興化
之孝

麼翻思當年破竈墮杖子忽擊著方知孤負我
以拄杖擊香臺一下曰墮墮

穹窿圓禪師上堂福臻不說禪無事日高眠有
問祖師意連擲兩三拳大眾且道為甚麼如此
不合惱亂山僧睡

興化紹清禪師上堂祖宗門下佛法不存善法
堂前仁義休說然雖如是事無一向竊聞哀哀
父母生我劬勞欲報深恩昊天罔極髮膚身體

弗敢毀傷此魯仲尼之孝也輪轉三界中恩愛
不能捨棄恩入無為真實報恩者故我大覺世
尊雪山苦行摩竭成道徃初利天為母說法世
釋迦之孝也得大解脫現大神通手擎金錫掌

拓龍盂詣地獄門卓然尋省見其慈母悲泣無
量此目連之孝也作麼生是興化之孝良久曰
興化今日不上天堂不入地獄於善法堂中燈

王座上為母說法以報劬勞且道我母即今在
甚麼處乃曰我母生前足善緣無勞問佛定生
天人間上壽古今少九十春秋減一年下座敢

煩大眾燒一炷香以助山僧報孝既是山僧之
母為甚麼却煩諸人燒香不見道東家人死西

家人助哀。以手槌胸曰。蒼天蒼天。

嗣大
為詰

智海道平禪師。上堂。山僧不會佛法。為人總沒
來由。或時半開。半合。或時全放。全收。還如萬人
叢裏。冷地掉個石頭。忽然打着一個。方知觸處

周流。

嗣大
為詰

泐潭景祥禪師。僧問。如何是祖師西來意。師曰。
十個指頭。八個了。師常叉手夜坐。如對大賓。初
坐手與跌綴。至五鼓。必齊膺。因號祥叉手。

嗣大
為詰

光孝慧蘭禪師。嘗以觸衣書七佛名。叢林稱為
蘭布毘。有疑草庵歌。具載普登錄。
東林遵禪師。上堂。十五日已前放過。一著十五
日已後。未可商量。正當十五日。試道一句看。良

為詰

父曰。山色翠穠。春雨歇。柏庭香擁。木蘭開。

嗣大
為詰

潭州東明遷禪師。晚居為山。真如庵。忠道者高
其風。每扣之。一日。閱首楞嚴次。忠問。如我按指
海印發光。佛意如何。師曰。釋迦老子好與二十
棒。曰。為甚麼如此。師曰。用按指作麼。曰。汝暫舉
心。塵勞先起。又作麼生。師曰。亦是海印發光。

嗣慶
善震

慶善能禪師。上堂。事不獲已。與諸人葛藤。一切
眾生。祇為心塵未脫。情量不除。見色聞聲。隨波

逐浪流轉三界。汨沒四生。致使正見不明。觸途成滯。若也是非齊泯。善惡都忘。坐斷報化佛頭。截斷聖凡途路。到這裡方有少許相應。直饒如是衲僧分上。未為奇特。何故如此。終有是非。紛然失心。吐

慶善隆禪師。上堂。花簇簇。錦簇簇。鹽醬年來事。事足留得南泉。打破鍋。分付沙弥。煮晨粥。晨粥一任諸人喫。洗鉢盂。一句作麼生會。多少人疑

著

淨因滿庵繼成禪師。上堂。茫茫盡是覓佛。莫舉世難尋。真道人。棒喝交馳。成藥忌了。亡藥忌未

天真。○上堂。鼻裡音聲。耳裡香。眼中鹹淡。舌玄黃。意能覺觸。身分別。冰室如春。九夏涼。如斯見得。方知男子身中入定時。女子身中從定出。葵花隨日轉。犀紋既月生。香楓化老人。螟蠕成螺贏。若也不知苦哉。佛陀耶。許你具隻眼。○師同圓悟。法真慈受。拜十大法師。禪講千僧。赴太尉陳公良弼府齋時。徽宗皇帝。私幸觀之。太師魯國公亦與焉。有善華嚴者。乃賢首宗之義虎也。對衆問。諸禪曰。吾佛設教。自小乘至於圓頓。

赴太尉陳公良弼府齋

嗣淨
土思

嗣智

躡庵
一喝
分五

掃除空有。獨證真常。然後萬德莊嚴。方名為佛。嘗聞禪宗一喝。能轉凡成聖。則與諸經論似相違背。今一喝若能入吾宗五教。是為正說。若不能入。是為邪說。諸禪視師。師曰。如法師所問。不足三大禪師之酬。淨因小長老。可以使法師無惑也。師召善。善應諾。師曰。法師所謂愚法小乘教者。乃有義也。大乘始教者。乃空義也。大乘終教者。乃不有不空義也。大乘頓教者。乃即有即空義也。一乘圓教者。乃不有而有。不空而空。或空而不有義也。如我一喝。非能入師震聲。唱一喝。工巧技藝。諸子百家。悉皆能入。師震聲。唱一喝。問善曰。聞麼。曰。聞。師曰。汝既聞。此一喝是有。能入小乘教。須臾又問善曰。聞麼。曰。不聞。師曰。汝既不聞。適來一喝。是無。能入始教。遂顧善曰。我初一喝。汝既道有。喝久聲消。汝復道無。道無則元初實有。道有則而今實無。不有不無。能入終教。我有一喝之時。有非是有。因無故有。無一喝之時。無非是無。因無故無。即有即無。能入頓教。須知我此一喝。不作一喝用。有無不及。情解俱忘。道有之時。纖塵不立。道無之時。橫徧虛空。即

小乘
始教
終教

頓教

圓教

文苑英華

卷六

七

法身

法性

小歇

祖宗

嗣智

此一喝。入百千萬億喝。百千萬億喝。入此一喝。是故能入圓教。善乃起再拜。師復謂曰。非唯一喝為然。乃至一語一默。一動一靜。從古至今。十方虛空。萬象森羅。六趣四生。三世諸佛。一切聖賢。八萬四千法門。百千三昧。無量妙義。契理契機。與天地萬物一體。謂之法身。三界唯心。萬法唯識。四時八節。陰陽一致。謂之法性。是故華嚴經云。法性徧在一切處。有相無相。一聲一色。全在一塵中含四義。事理無邊。周徧無餘。叅而不雜。混而不。於此一喝中。皆悉具足。猶是建化門。隨機方便。謂之小歇。場未至寶所。殊不知吾祖宗門下。以心傳心。以法印法。不立文字。見性成佛。有千聖不傳底。向上一路在。善又問曰。如何是向上一路。師曰。汝且向下會取。善曰。如何是寶所。師曰。非汝境界。善曰。望師慈悲。師曰。任從滄海變。終不為君通。善膠口而退。聞者靡不嘆仰。皇帝顧謂近臣曰。禪宗玄妙。深極如此。淨因才辨。亦罕有也。近臣奏曰。此宗師之緒。餘也。

開福哲禪師上堂。山僧有三印。更無增減剝。觀

文苑英華

卷六

七

面便相呈。能轉凡成聖。諸人還知麼。若也未知。不免重重註破。一印印空。日月星辰列下風。一

印印泥。頭頭物物顯真機。一印印水。挨轉魚龍頭作尾。三印分明體一同。看來非赤又非紅。互換高低如不薦。青山依舊白雲中。

三印
○
潭 嗣 泐
祥 泐

鴻福昇禪師上堂。諸人恁麼上來。墮在見聞覺知。恁麼下去。落在動靜施為。若也不去不來。正是鬼窟活計。如何道得出身底句。若也道得。則分付拄杖子。若道不得。依而行之。卓拄杖下座。

○
潭 嗣 泐
祥 泐

萬壽素禪師。一日有僧來。豐師問。湛味和尚。合知某來處。師曰。湖南擔屎漢。湛味和尚曰。和尚真人天眼目。某在大瀉充園頭。東林作藏主。師打三棒。喝出。

○
潭 嗣 泐
祥 泐

香山洲禪師上堂。酒市魚行。頭頭寶所。鷓鴣噪。一一妙音。卓拄杖曰。且道這個是何佛事。狼藉不少。

○
潭 嗣 泐
祥 泐

寶峰景淳知藏。往依泐潭。入室次。潭問。陝府鏡牛重多少。師叉手近前曰。且道重多少。潭曰。尾在黃河北。頭枕黃河南。善財無鼻孔。依舊向兩。參師擬議。潭便打。忽頓徹。巾侍有年。竟隱居林。

嗣光
孝蘭


壑嘗作偈曰怕寒懶剃髮鬆髮愛煖頻添楫
柴破衲伽黎撩亂搭誰能勞力强安排

嗣淨
因成

盧山法真禪師上堂欲明向上事須具頂門眼
若具頂門眼始契出家心既契出家心常具頂
門眼要會頂門眼麼四京人著衣喫飯兩浙人
飽煖自如通玄峯頂香風清花發蟠桃三四株
冶父道川禪師上堂舉雪峰一日登座拈拄杖
東觀曰東邊底又西觀曰西邊底諸人還知麼
擲下拄杖曰向這裏會取師曰東邊觀了復西
觀住杖重重話歲寒帶雨一枝花落盡不煩公

子倚欄干

禪宗正脉卷第六 終



紅毛問所

